



ევროკავშირი
საქართველოსთვის

Brot
für die Welt



CSR DG
საერთაშორისო
კონსულტინგის ცენტრი

სურსათის ეროვნული სააგენტოს ცხელი ხაზი

1501



მამო, მა, რომელი უწყება
აკონტროლებს სურსათის უვნებლობას?

სურსათის ეროვნული სააგენტო (სეს) -
სახელმწიფო უწყება, რომელიც
საქართველოში სურსათის უვნებლობის
კონტროლზეა პასუხისმგებელი.

როგორ
აკონტროლებს?



1. ამოწმებს სურსათის სფეროში მომუშავე მეწარმეებს: სურსათის მწარმოებლებს, დისტრიბუტორებს, საზოგადოებრივი კვების ობიექტებს (მათ შორის, საბავშვო ბაღებისა და სკოლების სამზარეულოებს), მაღაზიებს, ბაზრებს და სხვა;
2. ამოწმებს სასურსათო პროდუქტებს, მათ შორის სასმელ წყალს;
3. აჯარიმებს ბიზნესოპერატორს დარღვევის გამოვლენისას;
4. ავალდებულებს შეუსაბამობების აღმოფხვრას.

* ცხელი ხაზი 1501 ოფიციალურად ეუთვნის გარემოს დაცვისა და სოფლის მეურნეობის სამინისტროს, რომლის დაქვემდებარებაშიც მდის სეს.

შემოწმებები ხდება როგორც გეგმურად, ისე დაუგეგმავად.

დაუგეგმავი შემოწმებები ხდება:

- ა) გამოვლენილი დარღვევის გამოსწორების გადასამოწმებლად;
- ბ) სავარაუდო დარღვევის შესახებ შეტყობინების მიღების შემდეგ.

შეტყობინების გაგზავნა მომხმარებელსაც შეუძლია.



- მაღაზიაში მალფუჭებადი სურსათი არ ღვეს მაცივარში;
- იყიდება ვადაგასული სურსათი;
- ჩვენს მიერ შექმნილი სურსათი გაფუჭებული აღმოჩნდა;
- შექმნილი სურსათის მოხმარების შედეგად ადამიანი მოიწამლა;
- ეტიკეტირებულ პროდუქტზე ვარგისიანობის ვადა მითითებული არ არის და სხვა.

რა ინფორმაცია უნდა მივაწოდოთ ცხელ ხაზს?



1. სასურსათო ობიექტის ზუსტი დასახელება და მისამართი

რკ



2. პროდუქტისა და მისი მწარმოებლის ზუსტი დასახელება.

მსხვერპი... „მსი“,
ვაშლიძის 10,
მსინაძე კორპუსი,
ზ.ს. ომსი

სხვაგვარად სეს-ს გაუჭირდება იმ სასურსათო ობიექტისა, თუ პროდუქტის პოვნა, რომლის მიმართაც პრეტენზია გაგვამხიანია.

საქვო პროდუქტის შესაბამისი პარტიის აღმოსაჩენად ძალზე სასურველია, ასევე, მისი გამოშვების ან ვარგისიანობის თარიღის მითითება (ეტიკეტის მიხედვით).



* ერთი და იმავე პროდუქტის სხვა პარტიას, ანუ სხვა დღეს გამოშვებულ პროდუქტს შეიძლება ჩვენს მიერ გამოვლენილი ღარღვევა არ ჰქონდეს.

ვინ გაიგებს ჩემი მიმართვის შესახებ?



სეს-ის ცხელ ხაზზე საჩივრის დაფიქსირებისას ოპერატორი ჩვენს ვინაობასა და საკონტაქტო მონაცემებს გვკითხება.

ოუმკა,


ამის შესახებ ვერ გაიგებს ვერც ის მეწარმე, ვის მიმართაც პრეტენზია გვაქვს და ვერც სხვა გარეშე პირი.

ცხელ ხაზზე შეტყობინების მიმწოდებელთა ვინაობა კონფიდენციალურია და იკრძალება გარეშე პირების მიმართ ასეთი ტიპის ინფორმაციის გამჟღავნება.

ცხელ ხაზზე შეტყობინების მიწოდებისას ვინაობის დაფიქსირება კანონითაა გათვალისწინებული, რათა არაკეთილსინდისიერი ადამიანების ანონიმური შეტყობინებების გამო, სახელმწიფო რესურსები არაეფექტურად არ დაინარჯოს.

სსს

სურსათის ეროვნული სააგენტოს მიერ
თქვენს შეტყობინებაზე რეაგირების შედეგად ...



ჩვენს მიერ მიწოდებული საკონტაქტო მონაცემების საშუალებით სეს გვაცნობებს ჩვენი შეტყობინების საპასუხოდ მის მიერ განხორციელებული ღონისძიებების შესახებ.

რატომ უნდა მივმართო სეს-ს,
თუ ისედაც აკონტროლებს
სურსათის უვნებლობას?

არც ერთი სახელმწიფოს ხელისუფლებას არ შეუძლია ქვეყანაში მომუშავე ყველა მეწარმისა და სავაჭრო ქსელში არსებული ყველა სასურსათო პროდუქტის ყოველდღიური შემოწმება.



ჩვენ კი, მომხმარებლები, სისტემატურად დავდივართ მაღაზიებსა და კვების ობიექტებში და ყოველდღიურად შეგვიძლია დაკვირვება.



როგორ მოახდენს სეს ჩემს მიმართვაზე რეაგირებას?

კანონით განსაზღვრულია, რომ სეს-მა მოქალაქეთა მიმართებებზე **ოპერატიული რეაგირება** უნდა მოახდინოს.

ამავე დროს, უნდა გავითვალისწინოთ, რომ სეს არ არის საპატრულო პოლიცია და შეტყობინების მიღებიდან რამდენიმე წუთში მისი თანამშრომლები ჩვენს მიერ მითითებულ ობიექტში ვერ გაჩნდებიან.

ოუმკა,

რეაგირება უნდა მოხდეს შეტყობინების მიღებიდან უახლოეს სამუშაო დღეებში.

ხოგოხარ წესი,

სეს ორი კვირის განმავლობაში აცნობებს მოქალაქეებს მათი შეტყობინების საპასუხო დანხორციელებული ღონისძიებების შესახებ.

ოუ პასუხი დაგვიანდა, შეგვიძლია კიდევ ერთხელ დავრეკოთ ცხელ ხაზზე და ჩვენს შეტყობინებაზე სეს-ის პასუხი მოვიკითხოთ.



ყურადღება

სეს-მა შეიძლება ვერ აღმოაჩინოს ის დარღვევა, რომელზეც ჩვენ მივუთითეთ:

ოუკი ჩვენს მიერ მითითებული პროდუქტი, ან მისი კონკრეტული პარტია (კონკრეტულ დღეს გამოშვებული) უკვე გაყიდულია, სხვა პარტიას კი იგივე დარღვევა არ აღმოაჩნდა;

ასევე შესაძლოა, ერთი და იმავე პარტიის ნიმუშებიდანაც კი ყველა არ აღმოჩნდეს დაბინძურებული;

ს მაღაზიას მაცივრები უკვე ჩართული ჰქონდეს, მაშინ, როდესაც იქ სეს-ის ინსპექტორი მისა.

შესაძლოა, ჩვენს მიერ გამოვლენილი დარღვევა ეხებოდეს უკონტროლო გარე ვაჭრობას, რომლის მოწესრიგებაც არა სეს-ის, არამედ მუნიციპალიტეტის უფლებამოსილებაში შედის და სხვა.



თუ ჩავთვლით, რომ სეს-ის პასუხი შეუსაბამო, ან გაუგებარია, შეგვიძლია კიდევ ერთხელ დავრეკოთ ცხელ ხაზზე და განმარტებები მოვითხოვოთ.



შესაძლებელია, არ მივმართო სეს-ს და თავად სასურსათო ობიექტის პერსონალს ვაცნობო ჩემს მიერ გამოვლენილი ნაკლოვანების შესახებ?

ეს პროდუქტი ვადაგასულია

ჩვენ სრული უფლება გვაქვს მაშინვე მივმართოთ სეს-ის ცხელ ხაზს, როდესაც დარღვევას აღმოვაჩინოთ.

ხოლო,

თუ ვთვლით, რომ სასურსათო ობიექტს შეუძლია თავად გამოასწოროს დარღვევა, შეგვიძლია მის პერსონალს ვაცნობოთ ჩვენს მიერ გამოვლენილი დარღვევის შესახებ.

თუმცა,

თუკი ამას შესაბამისი რეაგირება არ მოჰყვება, ამის შემდეგ მივმართოთ სეს-ს!



სეს-ის შეტყობინება ჩვენი მოქალაქეობრივი პასუხისმგებლობაა, ამით ვიცავთ საკუთარ თავს, ჩვენი ოჯახის წევრებისა და ახლობლების ჯანმრთელობას!

ბუკლეტი მომზადდა საქართველოს სტრატეგიული კვლევებისა და განვითარების ცენტრის (CSRDG) მიერ, ევროკავშირის „სოფლის მეურნეობისა და სოფლის განვითარების ევროპის სამეზობლო პროგრამის“ (ENPARD – Georgia) მეოთხე ფაზის (ENPARD IV) ფარგლებში, ასევე, ორგანიზაციის „პური მსოფლიოს“ (გერმანია) მიერ დაფინანსებული პროექტის „გაზრდილი სასოფლო-სამეურნეო პრაქტიკა და მომხმარებელთა ცნობიერება“ მხარდაჭერით. პროექტს ახორციელებს კოალიცია, რომელშიც შედიან საქართველოს ფერმერთა ასოციაცია (წამყვანი პარტნიორი), საქართველოს სტრატეგიული კვლევებისა და განვითარების ცენტრი და საქართველოს მთიანი რეგიონების ამბროლაურის რაიონის ფერმერ-მეფუტკრეთა ასოციაცია.

ეს პუბლიკაცია შექმნილია ევროკავშირის მხარდაჭერით. მის შინაარსზე სრულად პასუხისმგებელია CSRDG და შესაძლოა, რომ იგი არ გამოხატავდეს ევროკავშირის შეხედულებებს.

საქართველოს სტრატეგიული კვლევებისა და განვითარების ცენტრი

მომხმარებლის უფლებების დაცვის პროგრამა

საქართველო, თბილისი, იოველ ჯებაშვილის I გასასვლელი #5, 0177

ტელ.: (32) 239-90-19, (32) 239-90-18

ელფოსტა: office@csrdg.ge

ვებსაიტი: www.csrdg.ge; www.momxmarebeli.ge

ფეისბუქგვერდი: www.facebook.com/momxmarebeli.ge



 მომხმარებელი.გე

